

نسخه‌سی ۱۰ غروشدرد

صاحبی، مدیری، محرری :



اسلامك نفعنه خادم مقالات
مع التكر قبول ونشر اولونور
يازانك شخصيتي دكل، يازينك اهميتي
نظر دقته آلتير .
كلن يازيلردن شايان قبول كوردولنلر:
تاريخ ميتراسيله، روج ايديلير .



علمي، ادبي، اجتماعي رشيديلك
شهری مجموعه در

۱۳۴۰ شواله مخصوص نسخه

عدد : ۲۴

اداره خانه‌سی : آقسرائده
ملا کورانی محله‌سندده مهتر
سوقافنده ۳ نومرولوخانه

مركز توزيی :
باب عالی جاده‌سندده (اتحاد
تجارت) كتبخانه‌سی

آبونه بدلی :
سنه‌لكی ۱۲۰ غروش
آلتی آیلنی ۶۰
اوج آیلنی ۳۰

جلد : ۲

مديرجات :

مخفيل علمی و استقادی : رسم مصحف عثمانی مسئله‌سی - از میرلی اسماعیل حق . شفتت اسلامیه - طاهر المولوی .
تزکیه نفس - حسین شعی . لسان شرع وفنده فضا و سما - محمد عزت
مخفيل تاریخی : عبدالله بن جحش - طاهر المولوی . شیخ ابراهیم افندی - حسین و صاف . بابیلک - احسان
شیخ سعدیک آباخانانہ نصیحتی - طاهر المولوی . سید برهان‌الدین محقق ترمیزی - فریدون نافذ .
مخفيل ادبی : دوشوندم - عبدالعزیز مجدی . اقشاجیلر و بر حسب حال مصطفی نجابی .

بالامس لی وصرت الیوم مثلی یعنی دای قنبر ! دون
بنم کولهام ایندک، بوکون بنم کی اولهک، عبادہ سنی
یا زاجق قدر رحمانه بر تواضع کو ستر مشدره قانونی
سلطان سلیمانک دقترداری (اسکندر چلبی) ایله
(سلطان عبدالمجید) دوری و زراسندن (خسرو
محمد پاشا) نک او قوتوب تربیه ایتدیکی کوله لر ایسه
دولت عثمانیه ده الکیوک رتبه لره قدر ترقی ایله مشدر.
کله لم عبادته :

عبادت نه در ؟ عبادت ، قوللق ایتک ، الله
قارشی دین عبودیتی ایفا ایتک ، مسلمانغه اولان
انسانی اثبات ایله مکدر .
حضرت مولانا :

این نماز و روزه و حج و جهاد
هم کواهی دادنست از اعتقاد

بو یورو یورکه، نماز، اوروج، حج، جهاد کی
ارکان دین، مسلمانم دین کیسه لر ایچون اعتقاد
شاهد لریدر دیمکدر . (هاشقه نشان، دعوا به برهان)
دیر لر . کله شهادت کتیرمک و مسلمانم دیمک بر
دعوی، بر ادعادر . نماز قیلمق ، اوروج طوتمق،
زکات ویرمک، حجه کیتمک ایسه اونک شاهد لری،
اثبات لری در . بونلر ایفا ایدیلز و شاهد اولار ق
کو ستر یلزه نه اولور ؟ نه اولاجق ، اودعوانک
عدم استماعنه قرار ویریلیر . بونی برده باشقه تورلو
محاکمه ایدلم . مثلاً مکتبکزی و سزی حمایه ایتمکله
مکلف بر (جمعیت تدریسیه اسلامیه) وار .
سنوی درت لیرا ویرن هر خیر خواه مسلمان
او جمعیتک اعضاسندن اولیور . مع الاسف اعضا
سی پک آز بولونان بو جمعیت مشفقه ، حسب الله
چالیشیور ، چابالیر ، سزک کی ایتام اسلامی
یه تیشدیرمه به غیرت ایدیور . اعضاسی آراسندن
پک حیتلی و غیرتلی بولونان بعضیلری ده ویردکاری
پارده دن باشقه درس لریگری تربیه و اداره کزی

تأمینہ اوغراشیور . دیمک که هم مالاً ، هم فکراً
هم بدنأ فداکارلقده بولونویور . ایشته جمعیت
تدریسیه اسلامیه ده بوسایه ده پایدار اولابیلیور .
بو ذوات کرام ؛ بویله مالاً بدنأ چالیشمه سه،
بالکمز اسملر نی یازدیرمق و بن جمعیت تدریسیه
اسلامیه اعضاسندنم دیمکله اکتفا ایتس لر عجیبا و جمعیت
و قارشیمده کی جماعت دوام ایدوب کلیر میدی ؟
شبه سز که دوام ایتک شویله طورسون تأسس
بیله ابدہ مزدی . ایشته مسلمانلق ده بویله بر جمعیت
کیدر . اونک اعضاسی اولان هر فرد مسلمک،
جمعیت تدریسیه اعضاسی کی تعهدی حسن ایفاسی
لازمدر . بر قسمی ایدرده بر قسمی ایتزه طبیعی در که
جمعیت اسلامیه ده ضعیفلار . غالباً مقصددن اوزاقلا
شدنم، عبادتده مندمج بولونان شفق سویله به جکدم .
فقط مصاحبه مز همان بر بو چوق ساعتی بولدی .
بن ده زیاده سیله بورولدم . سوز سویله به جک دکل ، نفس
آلاجق حالم قالمادی . بقیه سنی باشقه بر جلسه به
براقلمده شیمدیلک بو قدرله اکتفا ایدلم .

ظاهر المزلو

تزکیه نفس

۲۰ نجی نسخہ فی مابعد

انسانلرک قناعت و تلقای اوزرنده محیط ،
کورکو و کورمه نک حن تاثیر و یا سوء تقریرنی
کو سترن حالاتدن و مشاهداتدر که فضیلت و معالی
اخلاقیه افقنده پرورش یاب اولان بر انسان ایله
ردائت و سیئات عالنده نشوونما بولان دیگر بر انسان
تلقیات معنویه اعتبارله یکدیگرندن پک فرقلی
اولیور . بو فرق و تضادی ایضاح مقصدیله اولسه
کریک ، بر شخصک ماهیت اخلاقیه سنی تعیین ایچون
اتخاذ اولنسی مناسب اولان اصول تحری و تفتیشی
بر شاعر حکیم شویله بیان ایدیور :

عن المرء لا تسئل وسل عن قرينه

فكل قرين بالمقارن يقتدى

«بر آدمك ماهيتی آكلامق ایچون قری اولان
کیمسه نك احوالی تحقیق ایتك کافدر زیرا هر کس
قرینه اقتدا ایدر، دیور. حکم حیدر به دن اولان
«قرین المرء دلیل دینه» کلام شریفه موافق اولان
بو حکمت اخلاقیه خلق آره سنده دخی و محبت
ساریه، طبیعت سارقه در، «انسان انسانك هم شیخی،
هم شیطانیدر» سوزلریله افاده اولمقده در. فی الحقیقه
برچوق مسلمانلر واردر که سیئات و معاصی ایچنده
یوزه یوزده، کوره کوره بر در که یه سقوط ایدر لر که
قبایح و شایبی استعمار و بلکه استخفافه قدر واردر لر.
بو مقوله انسانلر کیده کیده قلبلری قسوت
صارار و نور ایمانلری سونمه یه باشلار، مناهی
و معایب محاسن و مناقب شکلنده تلقی ایتیمی پک
طبیعی بولور لر. ایشه بوکی کسان قرآن عظیم الشان
شو صورتله تعریف و تصویر بیور بیور [کابل ران...]
آنلرک ارتکاب ایتدکاری سیئات و معاصی قلبلری
کوفتدی، پاشلاندی، اکتساب ایتدکاری ذنوب
ایچلرنده قاتمرلشدی. بوکی حادثات روحیه و وقایع
قلیه کوستریور که مسلمانلرک ایمانلری کیت
اعتباریله تزیید و تناقص ایتسه بیله کیفیت جهتیله
قوة وضعفاً متفاوت اولور.

نبی اعظم صلی ا علیه وسلم اک زیاده غیرت
و همت رسالت پناهیلری؛ انظار نبی بشری مادیات
و محسوساته عبودیتدن چوریمکه، فضائل و معالیاته
انسانی و معنوی غایه لره، نافع و علوی اخلاقیاته،
آفاق معنویاته سوق و توجیه بیور مایه صرف ایتمشدر.
بو صورتله «رحمة للعالمین» اولدینی معلوم اولان
جناب مربی بشریت و مکمل انسانیت اقدمز
حضرتلری ابناء بشرک تکامل تربیه وی و معنویسنده
بیوک بر رهبر هدایت اولمشدر.

بو کونکی عصری بشریتک طانیدینی و طابندینی
ثروت و شهرته اهمیت ویرمه مشدر. اونک مقصد
اقدسی، فعالیت نبویه سی، ادراک و تمایلات بشریه یی
معنوی و علوی افکاره طوغری یو کسنتک ایدی.
مادیات برورلکک، مشتهیات پرستلکک؛ انسانلری
بو کون کوزلریمز ایله کورمه ده اولدیغیز در که
بهیسته سوف و القا ایدر جکفی من طرفاه آکلاش،
و انسانلرک هم جنسلری حقنده نافع و خیرکار برر
عنصر، شفیق و رحیم برر عضو حاله کله بیلملری
انجق تربیه معنویه و اخلاقیه لرینک توحیدی و اعلاسیله
اولایله جکفی تقدیر بیور مشدی. فی الحقیقه اور رسول
اعظمک قورمش اولدینی اساسات اجتماعیه،
اقتصادیه و سیاسیه روی زمینده لایقیده تعمیم و انتشار
ایتسیدی بو کونکی بشریتی اخلاقاً دها کامل و دها
معهود بر حاله کورمک نمکن اولاجقدی. کندی
قفا طاسلرنده کی ترکیات جهل و بلاهتی، تشکلات
دماغیه لرنده کی حجرات جنونی و اوهام و ظنونی
کشف و تشخیصه قادر اولامادقلری حاله عصر لرجه
مقدم کلش و دین حق تأسیس ایلش بولان انبیای
عظامک افعال و اقوال واقعه لر یله، حرکات اعجاز
کارانه لرندن - حاشا - معلول اولدقلری استنتاجه
جرأتیاب اولان بر طاقم طیب طاسلاقلریدر که
اصل شفاخانه لره کوندرلکه شایسته معلول الدماغ
بولیور لر. نبوتک درجه هالیه سنی بویله لر
دکل؛ عقلای حکما بیله اولچه بیلمکدن عاجز
قالمشلردر. مرتبه رفیعه نبوت او قدر هالیدر که
مدارج و معارج علم و عرفان ایله نه قدر اعتلا
ایدلسه اونک شاهقه بالاترینی دها او قدر اوزاقلاشیر،
اوکا بال و پر علم و فلسفه یو کسه مز. برج نبوتک
اوج اعلاسنه آنجق مرغ الیام وهای ولایت نظره
انداز قرینت اولابیلر.

دار الخلافه العلیه ابتدای داخل علم کلام مدرسی

مصطفی شعی